



季宗之妹

季兒者。郤音合陽任延壽之妻。季宗之妹也。

藏書

怨季宗而陰殺之。會赦免。乃告季兒。季兒曰。嘻。乃語我乎。遂振衣求去。延壽曰。汝其殺我。季兒曰。殺夫不義。事兄之讐亦不義。延壽曰。願以車馬家貲聽汝所之。季兒曰。吾當安之。與子同枕席而使殺吾兄。又縱兄之讎。何面目戴天立地乎。乃告其女曰。汝父殺吾兄。義不可留。又無所

往善視汝兩弟。遂自經而死。馮翊音逸地名王聞之。令縣復其三子。而表其墓。

呂氏曰。季兒可謂賢且烈矣。當是時。使季宗有子耶。則歸宗而撫遺孤。季宗無子耶。則自出而絕延壽。亦足全其義矣。遂至自經。無乃過乎。設季宗殺延壽。則季兒又當何如。吾錄之以爲薄於骨肉者之勸。孰謂婦人外父母兄弟家。至生死不相關耶。



文姬保弟


李文姬者。趙伯英妻。漢太尉固之女也。固爲梁冀所殺。二子俱死獄中。少子燮。音雪爲文姬所匿。密托固門生王成曰。李氏一脉。惟此兒在。君執義先公。有古人之節。今以六尺奉托。生死惟足下。成遂引燮浮江。入徐州界。變姓名爲酒家傭。音容酒家異之。以女妻燮。後遇赦得還。文姬勅之曰。先公爲漢忠臣。雖死之日。猶生之年。慎無一

言及梁氏。及梁氏則及主上。是再掇音奪禍也。燮從其言。靈帝時爲河南尹。


呂氏曰。文姬之友愛。無庸言矣。托王成。是謂知人。不怨梁氏。是謂審勢。倘梁氏可讐也。彼必甘心之矣。固也。宐有是女哉。

和政公主

和政公主。唐肅宗女也。下嫁柳潭。安祿山陷京師。寧國公主其姊也。方嫠居。主曰。天子蒙塵。寧國獨處。其誰携之。乃寄三子於所親。以潭馬乘。寧國主與潭徒步而驅之。跋涉日百里。潭供薪水。主供炊。吹音滌。音迪。以事寧國。卒免於難。肅宗有疾。主朝夕左右。甚謹。詔賜田。以女弟寶章公主。未有賜也。固辭讓。以與寶章。帝從之。



呂氏曰。和政恩撫孤姪。遠避朝權。授矢平賊。
仗義論盜。輸財助國。上疏恤民。憐布思之妻。
策社稷之計。善行不可悉述。余取其友愛。以
媿姊妹之薄者。



姒娣之道

章嫂讓兒

昌化章氏。兄弟二人。皆未有子。兄先抱族人子育之。未幾。其妻生子詡。許音弟曰。兄既有子。安用所抱之兒為。幸以與我。兄告其妻。妻曰。無子而抱之。有子而棄之。人謂我何。弟固請。嫂曰。無已。寧與吾所生者。弟不敢當。嫂竟與之。後二子皆成立。長曰栩。許音季曰詡。栩之子樵。樵音詡之子。

鑄

注音

鑑皆相繼登第。遂為名族。

呂氏曰。世俗兄弟可笑也。借馬而饑渴在懷。

借衣而揉

音組澆


音鴛

是囑。况乏嗣始得之兒。分

以與弟。無德色。無吝心。願不難哉。要之嫂氏之賢。不可及矣。割肉相與。雖舅姑難強之。從况意不出於夫子耶。天昌其後。殆和氣所召與。

少婦化嫂


蘇少婦。姓崔氏。蘇兄弟五人。娶婦者四矣。各聽
女奴語。日有爭言。甚者鬪音墻操刃。少婦始嫁。
姻族皆以爲憂。少婦曰。木石鳥獸。吾無如彼何
矣。世豈有不可與之人哉。入門。事四嫂。執禮甚
恭。嫂有缺乏。少婦曰。吾有。卽以遺之。姑有役。其
嫂者。嫂相視。不應命。少婦曰。吾後進。當勞。吾爲
之。母家有果肉之餽。召諸子姪。分與之。嫂不食。



未嘗先食。嫂各以怨言告少娣者。少娣笑而不答。少娣女奴以妯娌之言來告者。少娣答音之。尋以告嫂。引罪。嘗以錦衣抱其嫂小兒。適便溺。嫂急接之。少娣曰。無遽。恐驚兒也。了無惜意。歲餘。四嫂自相謂曰。五媻大賢。我等非人矣。奈何若大年。爲彼所笑。乃相與和睦。終身無怨語。

呂氏曰。天下易而家難。家易而妯娌難。專利辭勞。好讒喜聽。婦人之常性也。然始於彼之

無良。成於我之相學。三爭三讓。而天下無貪人矣。三怒三笑。而天下無凶人矣。賢者化人從我。不賢者壞我猶人。吾於蘇少娣心服焉。




王木叔妻

何氏。未嘉王木叔妻也。初歸王氏家甚貧。何氏佐以勤儉。家用遂饒。一日語夫曰。子可出任。奈弟妹貧寒何。橐音托中餘資。久蓄奚益。請以分之。夫喜曰。是吾志也。旦日盡散。簪珥不遺。木叔既仕。又曰。弟妹尚困。有田如許。何不畀之。夫喜曰。此尤吾志也。遂以田與弟妹。一郡稱為賢婦。

呂氏曰。憎同室而專貨利。婦人莫不爾。欲其

彼我分明。已難。况盡推所有以與弟妹乎。其夫喜而從之。友于可槩知矣。



姑嫂之道

歐陽賢嫂

歐陽氏。宋人。適廖忠臣。踰年而舅姑死於疫。遺一女。閨娘。纔數月。歐陽適生女。同乳哺之。又數月。乳不能給。乃以其女分隣婦乳。而自乳閨娘。二女長成。歐陽於閨娘每倍厚焉。女以爲言。歐陽曰。汝我女。小姑。祖母之女也。且汝有母。小姑無母。何可相同。因泣下。女媿悟。諸凡讓姑而自

取餘。忠臣後判清河。二女及笄。

音基


富貴家多求

姪氏。歐陽曰。小姑未字。吾女何敢先。且聘吾女者。非以吾愛吾女乎。其問諸隣人。卒以富貴家先。閨娘簪珥衣服器用。罄其始嫁粧奩。音連之美者。送之。送女之具不及也。終其身如是。閨娘每謂人曰。吾嫂。吾母也。歐陽歿。閨娘哭之。至嘔血。病歲餘。聞其哭者。莫不下淚。

呂氏曰。姑嫂。世所謂參商人也。嫁女之家。聞

有小叔姑。則成而嫂亦厭。惡此兩人。若不可
一日有。何者。爲母耳目。譖愬相害也。世之爲
嫂者。誠如歐陽氏賢。則舉世皆閨娘矣。吾以
是知一人盡道。兩人成名。同室仇讐。過分多
寡耳。難以罪一人也。

陳母



陳氏堂前


陳安節之妻王氏。始嫁歲餘而夫卒。遺孤甫月。家貧。王氏躬操勤苦如男子。脩行最謹。教子孫有法。家漸以饒。鄉人敬之。呼曰堂前。初堂前之歸陳氏也。舅姑歿時。夫之妹尚幼。堂前教育撫字。如女。及笄。厚嫁之。舅姑歿。妹求分財。堂前盡出室中所有與之。無吝色。妹得財。盡爲夫淫蕩所罄。貧不能自存。堂前爲又置田宅。撫諸甥如

已出。終無怨語。

呂氏曰。堂前孝養舅姑。教育子孫。周恤宗族。廣施陰功。砥礪名節。無一不善者。而姑嫂之情。尤世所希。余特表而出之。

鄒媼引過

鄒媼。宋人繼母之女也。前母兄娶妻荆氏。繼母惡之。飲食常不給。媼私以已食繼之。母苦役荆。媼必與俱。荆有過誤。媼不令荆知。先引爲已罪。母每扑荆。則跪而泣曰。女他日不爲人婦耶。有姑若是。吾母樂乎。奈何令嫂氏父母。日感憂女之眉耶。母怒。欲笞媼。媼曰。願爲嫂受笞。嫂實無罪。母徐察之。後適爲士人妻。舅姑妯娌姊妹。知



具賢也。皆敬重焉。媵歸寧。抱數月兒。嫂置諸床上。兒偶墜火。爛額。母大怒。媵曰。吾卧於嫂室。不慎。嫂不知也。兒竟死。荆悲悔不食。媵不哭。爲好語相慰曰。嫂作意耶。我夜夢凶。兒當死。不則我將不利。強嫂食而後食。母後見女之得愛於夫家也。竟成慈母。媵嘗病。嫂爲素食三年。媵五子。四登進士。年九十三而卒。

呂氏曰。小姑如姑。嫂甚畏之。媵異母也。視嫂乃如是。多壽。多男子。多貴。殆天所以報賢人哉。吾鄉大小姑貴重。出嫁之女。與母列坐。坐居左。弟婦與同席。則叩頭告坐。大姑立受之。稍不當於心。則辭色如父母。惟賢者不然。然者強半也。讀此傳。寧不汗顏。




嫡妾之道

晉趙衰妻

趙姬。晉文公女也。初文公爲公子時。與趙衰奔狄。狄人隗音氏入二女。公納季隗。以叔隗妻衰。生盾。音省。及反國。文公又以女趙姬妻之。生原。同屏括。樓嬰。趙姬請迎盾。與其母。趙衰不敢從。姬曰。不可。夫得寵忘舊。安富室而棄賤交。何以使人。雖妾亦無以侍巾櫛。音節矣。詩不云乎。采芣音封。

采非。音匪無以下體。故舊之情。不念小過。况同好
乎。又曰。燕爾新婚。不我屑以。傷夫道之薄也。君
其逆之。衰乃逆叔隗與盾。來姬以盾爲賢。請立
爲嫡子。使三子下之。以叔隗爲內婦。而已下之。
呂氏曰。婦人能容妾。足矣。况身自爲妾乎。况
以公女而妾狄人之女乎。况以子爲庶子而
嫡狄人之子乎。趙姬之賢。古今一人而已。




衛宗二順

衛靈王薨。夫人無子。傳妾有子。傳妾事夫人八年矣。供養愈謹。夫人謂傳妾曰。吾聞上君之母。不妾事人。今我無子。於禮當斥。得留以盡天年。幸矣。孺子不改故節。我甚媿之。願出居以時相見。傳妾泣曰。妾聞忠臣事君。孝子養親。惟患無日。妾豈敢以小貴變節哉。惟夫人無相棄。夫人曰。無子之人。而辱主君之母。雖子欲之。如禮何。固求居外。傳妾謂其子曰。吾聞謹上下之儀。脩先古之道。謂之順。今夫人居外。我居內。是彰我之不容。而逆閨門之禮也。處逆而生。寧以順死。欲自殺。其子泣而守之。夫人懼。乃止。傳妾以妾事夫人。終身不衰。

呂氏曰。古婦人無子。五十出爲女師。未聞此禮。通於天子諸侯。而衛夫人不敢以嫡自安。必有見哉。若傳妾守分終身。亦盛德事也。


宋鮑女宗

女宗者。宋鮑蘇之妻也。鮑蘇仕衛三年。而娶外
 妻。女宗養姑甚謹。因往來人問。候其夫。賂遺外
 妻。甚厚。其嫂曰。夫人既有所好。子何留乎。女宗
 曰。婦人一醮。嫁時別酒不改。供衣服以事夫子。精酒
 食以事舅姑。以專一為貞。以善從為順。豈以專
 夫之室為善哉。忌夫所愛。是謂貪姪。婦德之耻
 也。夫禮。天子十二。諸侯九。卿大夫三。士二。今吾



夫誠士也。有二。不亦宜乎。且婦人七去。妬正居一。嫂不教。吾以居室之善。而欲使吾爲可棄之行耶。不聽。宋公聞之。表其間曰女宗。

呂氏曰。女無美惡。入宮見妬。此婦人常性也。女宗於夫之外妻。不直不妬。又厚遇之。以是相與。而夫不感其賢。妾不樂其德。以釀一家之和氣者。未之有也。可爲婦人之法。



楚莊樊姬

楚莊王好獵。夫人樊凡音姬諫不聽。乃不食禽獸

之肉。王改過。勤於政事。嘗聽朝。宴罷。姬迎曰。倦

乎。王曰。與賢者語。不知倦。姬曰。王之所賢者誰

也。曰。虞丘子。姬掩口而笑。曰。虞丘子賢則賢矣。

未忠也。妾執巾櫛十一年矣。遣人之鄭衛。求美

人進於王。今賢於妾者二人。同列者七人。妾豈

不欲擅王之寵愛乎。妾聞堂上兼女。所以觀能

也。妾不敢以私蔽公。欲王多見知人。今虞丘子

相楚十餘年。所薦非子弟。則宗族。未聞進賢退

不肖。是蔽君而塞賢路也。妾故笑之。王悅。明日


以告虞丘子。丘子避席。不知所對。於是使人迎

孫叔敖而進之。王以爲令尹。治楚三年。而莊王

以霸。

呂氏曰。國家不治。妬賢之人爲之也。樊姬不
妬於宮。而推治於國。惟無我心故耳。故我心

勝者不能容人。其終也。反不能容其身。然而
妬者卒不悟也。可嘆哉。樊姬女宗。可以訓矣。



蜀主之女

晉南郡公主桓溫妻也。性最悍。溫每遜之。溫平蜀。得李勢妹。有奇色。納置別宅。主聞大恚。乃與婢數十。拔白刃襲之。李氏方理髮。髮長委地。肌色如玉。不爲動容。徐徐結髮成粧。曰。國破家亾。無心在此。今日見殺。得遂所懷。遂引頸就刃。主擲刃抱之。曰。阿子。我見汝猶憐。何況老奴。遂與同歸而善遇之。

呂氏曰。李氏女當殺身之怒。無急遽之容。其態安閑。凝重。其辭悲婉。慨慷。卒能回操刃之兇。爲同車之愛。可謂古今一奇事矣。惜也。流落偷生。不能死於國破家亾之時。爲全德累。吾錄之以訓世之爲妾者。不得於嫡。未必皆嫡之罪也。

孫氏全孤

花雲妻郃

音告


氏妾孫氏俱懷遠人雲守太平與

陳友諒戰爲所縛不屈而死郃生子煒

音帶

方三

歲郃聞城將陷以牲酒祭家廟會家人泣曰城破花將軍必死吾豈能獨生哉幸有嬰兒不可使花氏無後若等善視之遂赴水死孫瘞郃屍遂抱兒以行脫簪珥覓漁舟渡江遇亂軍奪舟棄孫於水孫抱兒遇斷木浮至附之入葦洲採



蓮實哺兒。七日不死。夜半聞人語聲。呼之。逢一翁。自稱雷老。引達帝所。孫抱兒拜且哭。帝亦哭。置兒於膝曰。此將種也。雷老忽不見。煇後拜水軍左衛指揮使。同孫至太平。奉郃骸骨。爲雲刻像。合葬上元縣。

呂氏曰。煇非孫氏出也。亂離之際。忍九死以全孤。卒收夫與嫡而合葬焉。士女淑媛。不在貴賤間矣。身忠臣。妻節婦。妾賢人。孰謂花將

軍死哉。

婢子之道

周主忠婢

忠婢者。周大夫妻之媵音孕也。大夫自衛仕於周。


二年。且歸。其妻淫於隣人。淫者憂之。妻曰。無憂。

吾為毒待矣。三日夫至。其妻曰。與子久別。何以

相勞。使媵取酒而進之。媵知其毒也。計念進之。

則殺主父。不義言之。又殺主母。不忠。因陽僵音姜


故意音姜覆酒。主大怒。笞將死。終不言。大夫弟聞其



事具以告大夫。乃殺其妻。將納媵以代之。媵辭曰。主以辱死。而妾獨生。是無義也。代主之處。是逆禮也。欲自殺。大夫乃厚幣而嫁之。士君子爭娶焉。

呂氏曰。忠婢此舉。無一不協於善者。不彰主母之惡。厚也。不忍主父之毒。忠也。陽僵覆酒。智也。答將死。終不言。貞也。不敢居主母之處。禮也。此可以爲士君子法。而况婦人乎。劉更

生傳列女。名曰忠妾。既妾大夫矣。卽非嫡。安可嫁乎。媵必不爾。余直以婢名之。媵隨嫁之。房婢也。旣肯嫁。必未嘗接大夫者。



翟青代死

會稽翟

音責

素士族之女也。聘而未嫁。賊至欲犯

之。臨以白刃。不從。其房婢名青者。跪而泣曰。無
驚我姑氏。青乞代死。賊竟殺素。又欲犯青。青曰。
我欲代姑。冀全其名節性命耳。姑既見殺。我生
何爲。遂罵賊。賊怒。復殺之。

呂氏曰。青之代素。忠也。不受辱。貞也。忠貞兩
字。士君子且難。况婢女乎。不錄素者何。節女

不可勝錄。余因錄青以見素云。

閨範卷四終



